

Tafsiira Suuratu Al-Ankabuut-Kutaa 14

Description

Warra Kitaabaa Waliin Falmuu

Nama kamiyyu waliin yommuu falman naamusa hordofantu jira. Naamusa yoo hin qabaatin, falmiin buaTMaa buusu hin dandaTMu. Naamusa falmi keessaa tokko, ragaalee qabatamaa fi dubbii gaariin falmuudha. Suuratu Al-Ankabuut irraa akkaataa warra kitaabaa (yahuudotaa fi kiristaanota) waliin falman mee haa ilaallu:

❁ وَلَا تَجْدِلُوا أَهْلَ الْكِتَابِ إِلَّا بِالَّتِي هِيَ أَحْسَنُ إِلَّا الَّذِينَ ظَلَمُوا مِنْهُمْ وَقُولُوا آمَنَّا بِالَّذِي أُنْزِلَ إِلَيْنَا وَأُنْزِلَ إِلَيْكُمْ وَإِلَهُنَا وَإِلَهُكُمْ وَاحِدٌ وَنَحْنُ لَهُ مُسْلِمُونَ ﴿٤٦﴾

• Warra kitaabaa wanta irra gaarii taTMeen malee hin falminaa, isaan keessaa warra zaalimota taTMan malee. Jedhaa, • Gara keenyatti kan buufamee fi gara keessaniitti kan buufametti amanee jirra. Gabbaramaan keenyaa fi Gabbaramaan keessan Tokkicha. Nuti Isaaf ajajamoodha. • Suuratu Al-Ankabuut 29:46)

Yaa warra amantan! Isaan keessaa namoota zaalimoota taTMan malee Yahuudotaa fi Kiristaanota tooftaa gaarii taTMeen, dubbii bareedan, karaa laafaan gara haqaatti waamun malee hin falminaa. **Wanti irra gaarii taTMe:** ragaalee qabatamoo, karaa hundarra gaarii ragaalee kanniin ittiin dhiyeessanii fi haala gaarii of keessatti hammata.

Ragaaleen qabatamoon aayata QurTMaanaa fi mallattoolee samii fi dachii keessa jiran hammatu. Karaan hundarra gaariin ragaalee kanniin itti dhiyeessan immoo nama si faallessuu amansiisuuf karaa gabaabaa fi laafaa filachuudha. Haalli gaariin immoo niyyaan namaa tolu, dubbiin laafaa fi bareedaa taTMu. Fakkeenyaaf, namni ragaalee qabatamoo ittiin falmu qabatee garuu kan nama arrabsuu yoo taTMe wanta irra gaarii taTMeen hin falminee jechuudha.

Akkasumas, namni nu faallessu sobaan yoo nu falme, haqaan falmutu nurra jira. QurTMaana keessatti tooftaa falmii bakka adda addaatti ni arganna. Mee isaan keessaa akka fakkeenyaatti wal falmii Nabii Ibraahimii fi mootii jidduutti adeemsifame haa ilaallu:

أَلَمْ تَرَ إِلَى الَّذِي حَاجَّ إِبْرَاهِيمَ فِي رَبِّهِ أَنْ آتَاهُ اللَّهُ الْمُلْكَ إِذْ
 قَالَ إِبْرَاهِيمُ رَبِّيَ الَّذِي يُحْيِي وَيُمِيتُ قَالَ أَنَا أَحْيِي وَأُمِيتُ قَالَ
 إِبْرَاهِيمُ فَإِنَّ اللَّهَ يَأْتِي بِالشَّمْسِ مِنَ الْمَشْرِقِ فَأْتِ بِهَا مِنَ الْمَغْرِبِ
 فَبُهِتَ الَّذِي كَفَرَ وَاللَّهُ لَا يَهْدِي الْقَوْمَ الظَّالِمِينَ ﴿٢٥٨﴾

â€œSila gara nama Rabbiin mootummaa isaaf kenninaan Gooftaa isaa ilaalchisee Ibraahimin falme hin ilaallee? Yeroo Ibraahim, â€œGooftaan kiyya Kan jiraachisuu fi ajjeesudha.â€•jedhe. Innis, â€œAnis nan jiraachisa, nan ajjeesa.â€•jedhe. Ibraahim ni jedhe, â€œDhugumatti Rabbiin aduu bahaan fida, ati immoo dhiyaan fidi.â€• Achumaan kan kafare dhamaâ€™e. Rabbiin namoota zaalimtoota hin qajeelchu.â€• Suuratu Al-Baqarah 2:258

Namtichi kuni Rabbiin mootummaa (aangoo) waan isaaf kenneef of tuulee daangaa darbe. â€œGooftaan kee eenyu?â€• jechuun Nabii Ibraahimin gaafate. Ibraahimis akkana jechuun deebise: â€œGooftaan kiyya uumamtootaaf jireenya kan kennuudha. Ammas, yeroo duâ€™maa lubbuu isaan keessaa Kan fudhatuudha. Inni jiraachisuu fi yeroo duâ€™maa nafsee fudhachuun kophaa kan taâ€™eedha.â€• Namtichis ni jedhe, â€œAnis nan jiraachisa, nan ajjeesa. Kana jechuun nama ajjeesu barbaade nan ajjeesa. Nama tursiisu barbaade nan tursiisa.â€• Ergasii Ibraahim ni jedheen: â€œRabbiin ani gabbaru aduu bahaan fida. Ati seera Rabbii kana jijjiruun dhiyaan fiduu dandeessaa?â€• Ergasii kaafirri kuni ni dhamaâ€™e. Mormiin isaas ni cite. Dhimmi isaa akka dhimma zaalimtootaa Rabbiin haqaa fi wanta sirriitti hin qajeelchineeti.

[1]

Wal falmii kana keessatti Nabii Ibraahim (aleyh salaam) ragaalee qabatamoo ni dhiyeesse. Ragaaleen kunniinis: â€œGooftaan kiyya Kan jiraachisuu fi ajjeesudha.â€•jedhe, â€œDhugumatti Rabbiin aduu bahaan fida, ati immoo dhiyaan fidi.â€•

Ammas karaa laafaa ragaalee kanniin itti dhiyeessu filate. Yommuu mootichi kuni â€œAnis nan jiraachisa, nan ajjeesa.â€•jedhe, Nabii Ibraahimis mormii keessa seenuun â€œAti hin jiraachistu, hin ajjeestu. Ati sababa qofa hojjatteâ€• hin jenneen. Kana irra, â€œDhugumatti Rabbiin aduu bahaan fida, ati immoo dhiyaan fidi.â€• Jedheen.

Ammas, dubbii Nabii Ibraahim keessa arrabsoon, tuffii fi jabeenyi hin jiru. Kanaafu, billati hiya ahsan (wanta irra gaarii taâ€™een) falmuun ragaalee dhugaa fi qabatamoo, karaa gabaabaa ittiin nama amansiisanii fi haala dubbii ittiin dhiyeessan of keessatti qabata.

Garuu Yahuudotaa fi Kiristaanota keessaa namoota garii waliin yeroo haala armaan olii kanaan falman buâ€™maa hin buusnetu jira. Kanaafu, namoota akkanaa itti aanse dubbate: â€œisaan keessaa warra

zaalimota taâ€™an malee.â€•

Kunniin namoota haqni erga ifa isaaniif taâ€™e of tuulanii fi haqaaf gadi hin jenneedha. Akkasumas, warra waraana Muslimoota irratti bananiidha. Namoota akkanaa takkaa isaan waliin falmuu dhiisuu, takkaa immoo seeyfin isaanitti duuludha. Haalli kuni wanta isaaf maluuf itti fayyadaman. Haalli seeyfin isaanitti duulu kan barbaachisu yoo taâ€™ee fi nu bira humni seeyfin isaanitti duulu yoo jiraate, itti duuludha. Taâ€™uu baannan, nuti humna yoo hin qabaatinii fi fooyyaâ€™insi isaan dhiisu keessa kan jiru yoo taâ€™e, nuti isaan dhiifna.[\[2\]](#)

Jedhaa, â€œGara keenyatti kan buufamee fi gara keessaniitti kan buufametti amanee jirra. Gabbaramaan keenyaa fi Gabbaramaan keessan Tokkicha. Nuti Isaaf ajajamoodha.â€•

Hima kana keessatti Rabbiin subhaanahu wa taâ€™aalaa tooftaa wal falmiin ittiin jalqabamu ibsa. Tooftaan kunis: dogongora yookiin jallina nama waliin falmitanii buâ€™uuraa fi tuqaa jalqabaa wal falmii hin godhinaa. Garuu isinii fi nama isin faallessu jidduutti haqa waliinii (common) taâ€™e irraa jalqabaa. Kana jechuun wal falmii fi mariin tuqaa irratti wal dhaban osoo hin taâ€™in tuqaa ijoo irratti wali galan irraa jalqabamu qaba. Ergasii namni waliin falman kana akka hubatu taasisuudha: ijannoon keessan wanta irratti wali galtaniin kan wal simatuudha, ijannoon isaa immoo wanta irratti wali galan kan faallessuudha.[\[3\]](#)

â€œGara keenyatti kan buufameeâ€• kana jechuun Qurâ€™aanatti amanee. **â€œgara keessaniitti kan buufametti amanee jirra.â€•** Kana jechuun Tawraati fi injilii harka namaatiin jijjiraman osoo taâ€™in Tawraati fi Injilii Rabbiin irraa buufamanitti amanee.

â€œGabbaramaan keenyaa fi Gabbaramaan keessan Tokkicha.â€• Kana jechuun Gabbaramaan keenyaa fi Gabbaramaan keessan kan haqaan gabbaramu tokkicha.

Aayah tana ilaalchisee mee wanta Shekh Abdurahmaan As-Saâ€™dii jedhe asitti haa dhiyeessinu:

Jedhaa, â€œGara keenyatti kan buufamee fi gara keessaniitti kan buufametti amanee jirra. Gabbaramaan keenyaa fi Gabbaramaan keessan Tokkicha. Nuti Isaaf ajajamoodha.â€•

Kana jechuun falmiin warra kitaabaa waliin adeemsifan, wanta gara keessaniitti buufamee fi gara isaanitti buufametti amanuu, Ergamaa keessanii fi Ergamaa isaaniitti amanuu fi Gabbaramaan tokkicha taâ€™uu irratti haa hundaaâ€™u. Wal falmiin keessan haala kitaabban Rabbiin irraa buâ€™an irraa waa qeequn ykn Ergamtoota irraa Ergamaa tokko maqaa xureessun taâ€™uu hin qabu. Akkuma wallaalan yommuu nama isa faallessu falmu hojjatu. Haqaa soba osoo hin jedhin wanta isa bira jiru hunda qeeqa. Kuni zulmii fi naamusa falmii keessaa bahuudha. Dirqamni namarra jiru soba nama falmu bira jiruu deebisuu fi haqa isa bira jiru immoo fudhachuudha. Osoo kaafira taâ€™ellee dubbii isaatiif haqni hin deebifamu.

Akkasumas, falmii warra kitaaba waliin adeemsisan qajeelfama buâ€™uuraa kana irratti hundeessun Qurâ€™aanaa fi Ergamaa Rabbii (SAW) akka mirkaneessan isaan taasisa. Sababni isaas, hundee amanti kitaabbanii fi Ergamtoonni irratti wali galan, akkasumas, warra wal falman jidduutti kan mirkanaaâ€™e ilaalchisee yoo dubbate, kitaabbanii fi Ergamtoota hundatti akka amanu isa dirqisiisa.â€• [\[4\]](#)

Fkn, Kiristaanni, hundee amanti kan akka Rabbiin gabbaramaa Tokkicha taâ€™uu ilaalchisee yoo dubbate, Qurâ€™aanaa fi Nabii Muhammadin (SAW) dabalatee kitaabbanii fi Ergamtoota hundatti

amanuun isarra jira. Sababni isaas, kitaabbanii fi Ergamtoonni hundi Rabbiin gabbaramaa tokkicha qofa akka taâ€™e irratti wali galu. Namni Injiilitti nan amana, Qurâ€™aanatti immoo hin amanu jedhe, dubbii isaa kana keessa wal diiggatu jira. Sababni isaas, hundeen amantii Qurâ€™aana keessa jiru injiil keessas ni jira. Kanaafu, Qurâ€™aanatti hin amanu jechuun isaa injiilittis hin amanu jechuu isaati.

Akkasumas, Rabbiin qofti gabbaramu akka qabu Qurâ€™aana, Tawraati fi Injiil keessatti kan mirkanaa’edha. Kiristaanni Tawraati fi Injiilitti nan amana jedhu Rabbiin gabbaruu dhiisee Iyyasuusin ykn haadha isa yoo gabbare (waaqefate), kuni amanti isaa diiga. Dhugaadhaan tawraati fi injiilitti hin amanne jechuudha.

• **Nuti Isaaf ajajamoodha.** Kana jechuun nuti Rabbi qofaaf ajajamna, masakamna. Nuti abbooti amantaa ykn nabiyyoota fi ergamtoota hin waaqefannu. Namoonni kunniin hindu akkuma keenyaa namoota Rabbi Gooftaa isaanii taâ€™e qofa akka gabbaran isaan irraa barbaadamuudha. [5]

Naamusaa fi Tooftaa Falmii



Kitaabban wabii:

[1] Tafsiiru Muyassar-43

[2] Tafsiir Qurâ€™aanil Kariim-Suuratu Ankabuut-fuula 250-251, Ibn Useymiin

[3] <https://www.englishtafsir.com/Quran/29/index.html#sdfootnote83sym>

[4] Tafsiir Saâ€™dii-742

[5] Maâ€™ariju tafakkuri wa daqaa’iqa tadabburi-15/279

Date Created

August 14, 2020

Author

admin